

**Коми Республикаса Веськӧдлан котыр да  
Татарстан Республикаса Веськӧдлан котыр костын  
торгово-экономическӧй, научно-техническӧй да  
социально-культурнӧй ӕртасьӧм йылысь  
АРТМӦДЧӦМ**

Коми Республикаса Веськӧдлан котыр, кодӧс петкӧдлӧ Коми Республикаса Юралысь Владимир Викторович Уйба, кодӧ уджалӧ Коми Республикаса Оланподув, «Коми Республикаса Юралысь, Коми Республикаса Веськӧдлан котыр да Коми Республикаса олӧмӧ пӧртысь власьт тэчасын органъяс йылысь» 2013 во ӧшым тӧлысь 26 лунся 140-РЗ №-а Коми Республикаса Оланпас да Коми Республикаса Веськӧдлан котырлӧн 2021 во ода-кора тӧлысь 27 лунся 257-р №-а тшӧктӧд подув вылын, ӧтиладорсянь, да Татарстан Республикаса Веськӧдлан котыр, кодӧс петкӧдлӧ Татарстан Республикаса Президент Рустам Нургалиевич Минниханов, кодӧ уджалӧ Татарстан Республикаса Оланподув вылӧ мыджсьӧмӧн, мӧдладорсянь, кодъясӧс водзӧ шуӧма «Сӕрнитчысьяс»,

Россия Федерацияса оланпастэчас, Коми Республикаса оланпастэчас да Татарстан Республикаса оланпастэчас (водзӧ – оланпастэчас) вылӧ подуласьӧмӧн,

ӧта-мӧдлы выгӧда принцип подув вылын дӧнмукогтса йитӧдъяс сӧвмӧдӧм могысь,

сӧйӧс пыдди пунктӧмӧн, мый ӧта-мӧдлы выгӧдаа ӕртасьӧмсӧ паськӧдӧмыс лӧсялӧ Коми Республикаса да Татарстан Республикаса олысьяслӧн кӧсйӧмъяслы да отсалӧ экономика боксянь сӧвмӧдны Коми Республикаӧс да Татарстан Республикаӧс,

зумыд да дыр кадколаст чӧж кыкнанладорса йитӧдъяс сӧвмӧдны да та вылӧ лӧсялана котыртан, экономическӧй, инӧда да мукӧд колана условие лӧсьӧдны кӧсйӧмӧн кырымалӧсны тайӧ Артмӧдчӧмсӧ со мый йылысь.

## **1 статья**

Тайӧ Артмӧдчӧмсӧ веськӧдӧма Сӕрнитчысьяс костын торгово-экономическӧй, научно-техническӧй да социально-культурнӧй ӕртасьӧмсӧ лӧсьӧдӧм вылӧ да сӧйӧ урчитӧ Сӕрнитчысьясслысь индӧм юкӧнъясин ӕртасян нырвизьяссӧ.

## **2 статья**

Сӕрнитчысьяс кутчысьӧны вӧчӧмторъясысь, кутшӧмъяс вермасны вӧчны экономика боксянь либӧ мукӧд сикас лӧктор ӧта-мӧдыслы, ладмӧдӧны помшуӧмъяссӧ, кутшӧмъясӧс примитӧмыс вермас лоны йитчӧма Сӕрнитчысьясслӧн инӧдъяскӧд да оланпас серти кӧсйӧмъяскӧд, да юксьӧны татшӧм помшуӧмъяс йылысь юӧрӧн.

### 3 статья

Торгово-экономическӧй, промышленнӧй, инвестиция да инновация ёртасян юкӧнын Сёрнитчысыяс оланпастэчас кузя асланыс тыр инӧд серти:

дасьтӧны ӧтувья проектяс, кутшӧмьясӧс веськӧдӧма Коми Республикалысь да Татарстан Республикалысь экономика да инновация позянлуньяссӧ сӧвмӧдӧм вылӧ, вежласьӧны специалистьясӧн юкӧнъясын, кутшӧмьяс серти кыкнанладорыслӧн эмӧсь интересьяс;

отсалӧны лӧсьӧдны условияс сы вылӧ, медым артмӧдны да паськӧдны делӧвӧй контактьяссӧ Коми Республикалӧн да Татарстан Республикалӧн овмӧс нуӧдысь субъектъяс костын, кутшӧмьясӧс пасйӧма да кутшӧмьяс уджалӧны Коми Республикаын да Татарстан Республикаын (водзӧ – овмӧс нуӧдысь субъектъяс), отсалӧны лӧсьӧдны да збыльмӧдны Коми Республикаын да Татарстан Республикаын предпринимательство сӧвмӧдан да налы отсӧг сетан уджтасьяс;

ӧтув уджалӧны инвестиция да инновация юкӧнын, сы лыдын дасьтӧны да пӧртӧны олӧмӧ инвестицияс боксянь водзмӧстчыны ышӧдан мераяссӧ Коми Республикалысь да Татарстан Республикалысь конкурентоспособностьсӧ да экономикасӧ кыпӧдӧм могысь;

котыртӧны инвестиция площадкаяс да инвестиция позянлуньяс петкӧдлан бизнес-миссияс да презентацияс; юӧртӧны ӧта-мӧдлы Коми Республикаын да Татарстан Республикаын инвестиция форумьяс, конференцияс да инвестиция нырвизя мукӧд мероприятие нуӧдӧм йылысь;

инвестиция проектяс олӧмӧ пӧртан медбур формаяс индӧмӧн сӧвмӧдӧны юӧр чукӧртӧм-донъялӧмсӧ могмӧдан система;

сӧвмӧдӧны канму-аспом уджъёртасян ногьяс;

юксьӧны юӧрӧн да инвестиция удж сӧвмӧдан юкӧнъясын проектяс да уджтасьяс олӧмӧ пӧртан медбур практикасӧн;

ӧтвылысь видлалӧны юалӧм сы йылысь, колӧ-ӧ экспорт вылӧ уджалысь Татарстан Республикаса предприятияслы восьтыны Коми Республикаын оптӧвӧя юклан шӧриньяс;

отсалӧны сӧвмӧдны Коми Республика да Татарстан Республика костын транспорт йитӧдьяссӧ;

сӧвмӧдӧны канму да муниципальнӧй могьяс вылӧ вузӧс, уджъяс, услугаыс серти закупкаяс юкӧнын ёртасьӧмсӧ, отсалӧны сӧвмӧдны тайӧ закупкаяс юкӧнын ӧтувья юӧртан системасӧ;

юксьӧны опытӧн, кызди Коми Республикаын да Татарстан Республикаын збыльмӧдӧны Россия Федерацияса субъектъясын конкуренция сӧвмӧдан стандартлӧн корӧмьясыс, кутшӧмьясӧс вынсьӧдӧма Россия Федерацияса Веськӧдлан котырлӧн 2019 во косму тӧлысь 17 лунся 768-р №-а тшӧктӧмӧн.

#### 4 статья

Видз-му овмӧс юкӧнын Сӕрнитчысыас асланыс тыр инӧд серти да оланпастӕчас кузя отсалӧны вузасьӧм-нӧбӧмын агропромышленнӧй комплекса организациясылы лӧсьӧдны колана котыртан условиеас татшӧм нырвизьяс серти:

быдмӧг вӧдитӧм, селекция, кӧйдыс быдтӧм, ӧта-мӧдлӧн водзмӧстчана технологиясӧн вӧдитчӧм, быдмӧг генофондӧн, сю да видз-му овмӧс мукӧд культура быдтӧгӧн экология боксянь сӧстӧм методьясӧн да быдмӧгьяс дорьян средствоясӧн вӧдитчӧм;

скӧт видзӧм, ӧнӧя технологияс отсӧгӧн видз-му овмӧсса бур пода пемӧсьясӧс рӧдмӧдӧм, видзӧм да вердӧм; механизируйтӧм фермаяс техника боксянь выльмӧдны отсалӧм;

биотехнология, видз-му овмӧс культура производствӧн да пемӧсьясӧс рӧдмӧдӧмӧн биотехнологическӧя веськӧдлӧм; переработайтан, сӕян-юан вӧчан промышленносът, производственнӧй процессӧ механизируйтан да автоматизируйтан средствоясӧн быд боксянь вӧдитчӧм.

#### 5 статья

Йӧзлысь дзоньвидзалун видзан да биофармацевтика юкӧнын Сӕрнитчысыас оланпастӕчас кузя асланыс тыр инӧд серти:

юксьӧны йӧзлысь дзоньвидзалун видзан система котыртан уджӧн, Коми Республикаса да Татарстан Республикаса олысьяслы медицина отсӧг сетан уджӧн;

отсалӧны вежласьны Коми Республикалӧн да Татарстан Республикалӧн медицина организациясысь специалистьясӧн;

ӧтув уджалӧны биофармацевтика кластерьяс лӧсьӧдӧмын да сӧвмӧдӧмын.

#### 6 статья

Олысьясӧс социальнӧя дорьян да уджӧн могмӧдан юкӧнын Сӕрнитчысыас оланпастӕчас кузя асланыс тыр инӧд серти:

сӧвмӧдӧны олысьясӧс уджӧн могмӧдан, олысьяслы социальнӧя отсалан да найӧс социальнӧя могмӧдан юкӧнын ӕртасьӧмсӧ, сы лыдын тайӧ юкӧнъясын инӧда актьяс дасътӧм да олӧмӧ пӧртӧм, ӧтув збыльмӧдӧны социальнӧй да экономика боксянь сӧвмӧдан уджтасьяс, семьялы, мамлунлы, челядьдырлы, олӧма гражданылы да вермытӧмьясылы отсалан социальнӧй уджтасьяс да юксьӧны на серти уджӧн;

вежласьӧны олысьясӧс социальнӧя дорйӧмӧн веськӧдлан органьясса, олысьясӧс уджӧн могмӧдан службаса да олысьясӧс социальнӧя могмӧдан учреждениеса специалист делегациясӧн, медым туявны выль социальнӧй технологияс пыртӧмын уджалан опытсӧ;

юксьöны уджтöмалöм йылысь серпас да удж рынок вылын положение йылысь юör чукöртан-донъялан материалъясöн.

## 7 статья

Гөгöртас видзан да экология боксянь видзчысянлунсö, канму ветеринарнöй дözьöрсö да пемöсьяслысь бура олöмсö могмöдан юкöнын Сёрнитчысьяс оланпастэчас кузя асланыс тыр инöд серти:

юксьöны гөгöртас видзöм да экология боксянь видзчысянлунсö могмöдöм серти Коми Республикаын да Татарстан Республикаын нуöдан мероприятиеяс йылысь юөрöн;

юксьöны производство да потребление шыбласьясöн вöдитчан, шыбласьяс сикасалан, переработайтан да бырöдан выль технологияяс пыртан, вөр-ва видзан структураясöн веськöдлöмсö бурмöдан юалöмьяс серти уджöн;

ёртасьöны торйöн ёна видзан вөр-ва мутасьяс котыртан, видзан да наён вöдитчан, Гöрд небөгьяс нуöдан, пемöсьясöс видзан да наён вöдитчан юкöнын;

юксьöны кыйсян да кыйсян-вöралан озырлун видзан юкöнын мероприятиеяс йылысь юөрöн да уджöн;

юксьöны биологическöй шыбласьяс бырöдан инъяссö лöсьöдöм да видзöм йылысь юөрöн.

## 8 статья

Культура юкöнын Сёрнитчысьяс оланпастэчас кузя асланыс тыр инöд серти:

юксьöны Коми Республикаын да Татарстан Республикаын нуöдан культура лöмторьяс да мероприятиеяс йылысь юөрöн, сы лыдын войтыркостса мероприятиеяс, кытчö вермасны пырöдчыны Коми Республикаысь да Татарстан Республикаысь котырьяс да исполнительяс;

отсалöны бурмöдны да сöвмöдны культура йитöдьяссö;

öтув котыртöны да нуödöны творческöй котырьяслысь гастрольяссö, ёрта-ёрт дорас петкöдлöны музейса, художествоа выставкаяс.

## 9 статья

Культура озырлун объектьяс видзан, наён вöдитчан, паськыда тöдмöдан да канмуён видзан юкöнын Сёрнитчысьяс оланпастэчас кузя асланыс тыр инöд серти:

котыртöны да нуödöны öтувья семинарьяс наука уджалысьясöс корöмөн, тшöтш и онлайн форматын;

юксьöны культура озырлун объектъяс учёт вылö босьтан, найöс видзан да туялан, на бöрся канмусянь видзöдан да найöс дöзбöритан уджөн, тшöтш и онлайн форматын.

## 10 статья

Вузöс (уджъяс, услугаяс) вылö донъяс (тарифъяс, надбавкаяс, наценкаяс да мукöдтор) канмусянь регулируйтан юкöнын Сёрнитчысьяс оланпастэчас кузя асланыс тыр инöд серти:

ёртасьöны да юксьöны уджөн, сы лыдын донъяс (тарифъяс) канмусянь регулируйтан оланпастэчаслөн корöмъясö кутчысьöм бöрся контроль да дöзбөр нуöдан уджын;

ёртасьöны да юксьöны уджөн сы серти, кызди котыртöны тарифъяс регулируйтан органлысь меставывса асвеськöдлан органъяскöд öтувья уджсö коммунальнöй услугаысысь гражданаөн мынтан дон вежöмлысь медпозяна (медыджыд) индексъяс вынсьöдöмын да наö кутчысьöмсö мониторинг нуöдöмын.

## 11 статья

Архив удж юкöнын Сёрнитчысьяс оланпастэчас кузя асланыс тыр инöд серти:

юксьöны нормативнöй да методика боксянь лöсьöдöмторъяс, юöртан технологияяс йылысь уджөн да юөрөн;

пырöдчöны научно-практической конференцияяс, семинаръяс, сöвешаниеяс, архив документ выставкаяс котыртöмö да нуöдöмö, Россия Федерацияса архив фондлөн документъяс серти публикацияяс дасьтöмö;

сетöны позянлун öта-мöдныслы вöдитчыны архив документъясөн да научно-справочнöй материалъясөн, кутшöмъяс колöны гражданылысь социальнöй инöда запросъяс туялöм да могмöдöм вылö.

## 12 статья

Велöдан да наука юкöнын Сёрнитчысьяс оланпастэчас кузя асланыс тыр инöд серти:

нуöдöны öтувья конференцияяс;

пöртöны олöмö наука туялан öтувья проектъяс;

юксьöны öнiя велöдан технологияяс, инöда акт балаяс дасьтан уджөн, кутшöмъяс ладмöдöны велöдан организацияслысь уджсö.

## 13 статья

Юöртан да йитöд юкöнын Сёрнитчысьяс оланпастэчас кузя асланыс тыр инöд серти:

уджтасъяс да проектъяс збыльмөдөм пыр сөвмөдөны юөртан технологияс юкөнын өта-мөдлы выгодаа ёртасьөмсө;

өтув уджалөны Коми Республикалөн да Татарстан Республикалөн цифра боксянь вежсьөм серти, сы лыдын технологическөя ёртасьөм, велөдөм, уджөн юксьөм кузя.

#### **14 статья**

Спорт да том йөз политика юкөнын Сёрнитчысьяс оланпастэчас кузя асланыс тыр инөд серти:

отсалөны Коми Республикаса да Татарстан Республикаса спортсменъяслы да спортивной сборной командаяслы пырөдчыны спорт да уна йөза спорт мероприятиясө, кутшөмъясөс нуөдөны Коми Республикаын да Татарстан Республикаын;

отсалөны том йөзлы пырөдчыны том йөзлөн динмукогтса мероприятиясө, кутшөмъясөс нуөдөны Коми Республикаын да Татарстан Республикаын.

#### **15 статья**

Туризм юкөнын Сёрнитчысьяс оланпастэчас кузя асланыс тыр инөд серти:

юксьөны Коми Республикаын да Татарстан Республикаын лоана мероприятияяс йылысь юөрөн;

отсалөны лөсьөдны туристскөй организацияс костын, кодъяс уджалөны Коми Республикаын да Татарстан Республикаын, кыкнанладорса йитөдъяс.

#### **16 статья**

Стрөитчан, архитектура, оланін да коммунальнөй овмөс юкөнын Сёрнитчысьяс оланпастэчас кузя асланыс тыр инөд серти:

юксьөны стрөитчөмсө котыртан, кар стрөитан политикаын, оланін да коммунальнөй овмөс юкөнын уджөн;

вежласьөны канму власьт органъяслөн делегациясөн, кодъяс збыльмөдөны стрөитчан, архитектура, оланін да коммунальнөй овмөс юкөнын уджмогъяссө;

пырөдчөны стрөитчан, кар стрөитан да архитектура тематика серти войтыркостса, республикаса выставкасө, семинарьясө да конференциясө.

#### **17 статья**

Сы могысь, медем кыпөдны меставывса асвеськөдлан органъяслөн уджлысь окталунсө да бөртаслунсө, Сёрнитчысьяс оланпастэчас кузя асланыс тыр инөд серти отсалөны сөвмөдны муниципалитеткостса

ёртасьомсö да юксьöны меставывса асвеськöдлöмсö котыртан да збыльмöдан уджөн.

## 18 статья

Канму национальнöй политика олöмö пöртан юкöнын Сёрнитчысьяс оланпастэчас кузя асланыс тыр инöд серти:

Коми Республикаын да Татарстан Республикаын олысь войтыръяслы отсалöны матыстны да озырмöдны öта-мöдныслысь культурасö;

лöсьöдöны колана условиеяс, медым могмöдны Коми Республикаын да Татарстан Республикаын олысь войтырлысь национальнöй да культура кöсьöмьяссö;

пырöдчöны национальнöй да культура öтувьяскöд öтувья удж серти проектъяс дасьтöмö да олöмö пöртöмö;

волöмьяс котыртигөн видлалöны национальнöй да культура öтувьясөн юрнуöдысьясöс делегациясö пыртöм йылысь вöзйöмьяссö.

## 19 статья

Тайö Артмöдчöмыс оз йитчы Сёрнитчысьяслөн мукöд сёрнитчыськöд наён кырымалöм артмöдчöмьяс (сёрнитчöмьяс) серти кöсьйысьöмьяскöд, оз кут найöс збыльмöдöмысь. Сёрнитчысьяс юксьöны тайö Сёрнитчöмсö олöмö пöртöм могысь колана юөрөн, водзвыв юөртöны ёрта-ёртныслы Коми Республикалөн оланпастэчасын да Татарстан Республикалөн оланпастэчасын вежсьöмьяс йылысь, кутшöмьяс вермöны тöдчыны тайö Артмöдчöмсö збыльмöдöм вылö.

Тайö Артмöдчöм серти сийöс кырымалысь Сёрнитчысьяслөн оз лоны сьöма да (либö) эмбур кöсьйысьöмьяс.

Тайö Артмöдчöмлысь положениеяссö оз вермыны видлавны сы боксянь, мый найö лöсьöдöны бур условиеяс овмöс нуöдан торья субъектъяслы уджалöм вылö, мый вöсна вермас лоны дзескöдöма конкуренциясö либö увтыртöма овмöс нуöдан мукöд субъектлысь кöсьöмьяссö.

Тайö Артмöдчöмыс лоö урчитöм ёртасян юкөнъясын артмöдчöмьяс да сёрнигижöдьяс (мероприятиеяслысь планьяс) Сёрнитчысьясөн кырымалан подулөн.

## 20 статья

Сэк, кор Сёрнитчысьяс костын артмöны тайö Артмöдчöмсö олöмö пöртöм серти вензьöмьяс, Сёрнитчысьяс разьöны найöс сёрнитöмөн.

## 21 статья

Тайö Артмöдчöмыс вынсялö Сёрнитчысьясöн сийöс кырымалан лунсянь да кырымавсьö вит вося кадколаст вылö, мый кольöм бöрын сылысь вынсö быд вит во нюждöны сийö кадöдзыс, кытчöдз сёрнитчысьяс пиысь öтиыс öнiя вит вося кадколаст кольтöдз куим тöлысьысь оз сёрджык гижöмөн оз юöрт мöд сёрнитчысьлы сы йылысь, мый сийö көсийö дугöдны тайö Артмöдчöмлысь вынсö.

Сёрнитчысьясöн öти кывийö воöм бöрын тайö Артмöдчöмлысь вынсö позьö дугöдны кадысь водз.

Тайö Артмöдчöмсö позьö вежны Сёрнитчысьясöн öти кывийö воöм бöрын. Тайö Артмöдчöм дорö став вежсьöмсö оформитöны гижöмөн да сийö лоö торйöдны позьтöм юкөнөн.

Дасьтöма 2022 вося \_\_\_\_\_ тöлысь «\_\_» лунö \_\_\_\_\_-ын **куим** экземплярын, быдөн роч, тотар да коми кывъяс вылын, кутшöмъяслөн выныс öткодь, быд Сёрнитчысьлы öти экземплярөн.

Сэк, кор тайö Артмöдчöмлөн роч, коми да тотар кывъяс вылын текстъясын эмöсь гөгөрвотöмлуньяс либö вежёртас боксянь кутшöмкö лöсвятöмторьяс, Сёрнитчысьяс подуласьöны роч кывъя текст вылö.

**Коми Республикаса  
Веськöдлан котыр вöсна**

Коми Республикаса  
Юралысь

\_\_\_\_\_ **В.В. Уйба**

**Татарстан Республикаса  
Веськöдлан котыр вöсна**

Татарстан Республикаса  
Президент

\_\_\_\_\_ **Р.Н. Минниханов**